

## Pisarnica Parlamenta FBiH

---

**From:** Sanel Kajan <sanelkajan@gmail.com>  
**Sent:** 22. juli 2024 18:21  
**To:** Pisarnica Parlamenta FBiH  
**Subject:** Amandman - Zakon o pravima branilaca i clanova njihovih porodica  
**Attachments:** AMANDMAN.pdf

Poštovanje,

Zajedno s delegatkinjom iz Doma naroda Amrom Babić, podnosim amandman na Zakon o pravima branilaca i članova njihovih porodica, za sjednicu Zastupničkog doma 24.7.

-----  
**Sanel Kajan**

e-mail: [sanelkajan@gmail.com](mailto:sanelkajan@gmail.com)

mobitel: 061 521 831

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Priljeno: 23-07-2024			
Org. jed.	Broj	Priloga	Vrijednost
01,02	- 02 -	1484	124

FEDERAL BUREAU OF INVESTIGATION  
 DEPARTMENT OF JUSTICE  
 WASHINGTON, D. C. 20535

File No.	Date	Page	Volume
100-441100	1-22-68	1	1

Priljeno: 23-07-2024			
Org. jed.	Broj	Priloga	Vrijednost
01,02	- 02 -	1484	/24

**Amra Babić**

delegatkinja u Domu naroda Parlamenta Federacije Bosne i Hercegovine  
Sarajevo, 21.07.2024. godine, za

BIH, F BiH, PARLAMENT FEDERACIJE BOSNE I HERCEGOVINE  
DOM NARODA  
n/r gdn. Tomislav Martinović, predsjedavajući

**Sanel Kajan**

zastupnik u Predstavničkom domu Parlamenta Federacije Bosne i Hercegovine  
Sarajevo, 21.07.2024. godine, za

BIH, F BiH, PARLAMENT FEDERACIJE BOSNE I HERCEGOVINE  
PREDSTAVNIČKI DOM  
n/r gdn. Dragan Mioković, predsjedavajući

Na osnovu člana 177. i 178. Poslovnika o radu Doma naroda Parlamenta Federacije Bosne i Hercegovine (Sl. Novine F BiH broj: 27/03, 21/09 i 24/20), kao i člana 184. i 185. Poslovnika Predstavničkog doma Parlamenta Federacije Bosne i Hercegovine (Sl. Novine F BiH broj: 69/07, 2/08, 26/20 i 13/24), podnosimo

#### **AMANDMAN NA ZAKON O IZMJENAMA ZAKONA O PRAVIMA BRANILACA I ČLANOVA NJIHOVIH PORODICA**

- U Zakonu o izmjenama Zakona o pravima branilaca i članova njihovih porodica, poslije člana 1. dodaju se novi član 2. i 3. kako slijedi

#### **Član 2.**

U Zakonu o pravima branilaca i članova njihovih porodica ("Službene novine Federacije BiH, br. 33/04, 56/05, 70/07, 9/10, 90/17 i 29/22), u članu 21. stav (1) mijenja se i glasi:

„(1) Lica iz člana 20. stav I. tač. 1. i 2. ovog Zakona ostvaruju pravo na porodičnu invalidninu pod uvjetima, na način i u postupku utvrđenim ovim Zakonom, a iznos porodične invalidnine utvrđuje se od osnovice iz člana 12. stav 2. ovog Zakona kako slijedi:

- za jednog člana porodice u visini 60% od osnovice
- za dva člana porodice u visini 63% od osnovice
- za tri člana porodice u visini 65% od osnovice
- za četiri i više članova porodice u visini 70% od osnovice.“

U stavu (2) broj „43%“ se zamjenjuje brojem „60%“.

Primo piano:			
Or. Fed.	870	Primo	Primo piano
Or. Fed.	870	Primo	Primo piano

### Član 3.

U članu 22. Zakona u stavu (1) broj „43%“ se zamjenjuje brojem „60%“, u stavu (2) broj „50%“ se zamjenjuje brojem „63%“, u stavu (3) broj „10%“ se zamjenjuje brojem „20%“, u stavu (4) broj „15%“ se zamjenjuje brojem „30%“, u stavu (5) broj „43%“ se zamjenjuje brojem „60%“, a u stavu (6) broj „50%“ se zamjenjuje brojem „63%“.

- Član 2. Zakona o izmjenama Zakona o pravima branilaca i članova njihovih porodica postaje član 4. a član 3. postaje član 5.

#### • OBRAZLOŽENJE

Članom 2. STAV 1. mijenja se član 21. Zakona o pravima branilaca i članova njihovih porodica ("Službene novine Federacije BiH, br. 33/04, 56/05, 70/07, 9/10, 90/17 i 29/22), gdje su navedeni novi procenti osnovice za obračun porodične invalidnine po broju članova.

STAV 2. mijenja se iznos osnovice za obračun porodične invalidnine za lica iz člana 20. stav 1. Zakona, supruge koje nisu imale djecu (sa 43% na 60%).

Članom 3. mijenja se iznos osnovice za obračun porodične invalidnine roditelja poginulog branitelja (sa 43% na 60% za jednog, odnosno sa 50% na 63% za oba roditelja neoženjenog branioca; sa 10% na 20% za jednog, odnosno sa 15% na 30% za oba roditelja oženjenog branioca; te sa 43% na 60% za jednog, odnosno sa 50% na 63% za oba roditelja oženjenog branioca koji nemaju druga primanja).

- *Poređenja radi (invalidi – visina osnovice po kategorijama: I. 100%, II. 73%, III. 55%, IV. 43%, V. 32%, VI. 18%, VII. 13%, VIII. 7%, IX. 6%, X. 5%.)* Član 12. Zakona

#### RAZLOZI ZA USVAJANJE AMANDMANA

Pravo na ličnu i porodičnu invalidninu je zakonsko pravo RVI i članova porodica šehida i poginulih boraca, kao i porodica umrlih RVI.

Zakon je regulisao visinu osnovice, način godišnjeg usklađivanja visine osnovice, te procenete od visine osnovice po kategorijama korisnika.

Pred nama je zadatak da se izmijeni način godišnjeg usklađivanja visine osnovice ALI I procentualna visina osnovice za kategorije pripadnika porodica šehida i poginulih boraca.

To je smisao izmjena koje predlažemo i osnovni razlog ZA USVAJANJE amandmana.

Populacija porodica šehida i poginulih branilaca je već dugi niz godina veoma zanemarena u procesima kojima se rješava položaj braniteljske populacije, što je, uz višegodišnje efekte inflacije rezultiralo trenutno vrlo lošim materijalnim položajem. Primjera radi, u godinama poslije rata, kada smo imali manje novca i na hiljade korisnika više, iznos porodične invalidnine i prosječne neto plate u Federaciji BiH bio je približan.

Sada, porodična invalidnina za jednočlanu porodicu branioca iznosi 413,88 KM, što je tek 30% od prosječne plate u Federaciji BiH.

U odnosu na penzije taj pad je još očigledniji. Npr. minimalna penzija 2013. godine iznosila je 310,00 KM, sada iznosi 565 KM, dok rast iznosa porodične invalidnine je sa 360,06 KM iz 2013.g na današnjih 413,88 KM.

U periodu januar - juni 2002. godine prosječna neto plaća po zaposlenom iznosila je 469 KM. Korpa potrebnih proizvoda za preživljavanje četvoročlane porodice u FBiH U periodu januar - juli 2002. godine iznosila je 465 KM. U istom periodu visina porodične invalidnine iznosila je oko 315,62 KM za jednog člana porodice (korisnika). Danas prosječna neto plaća iznosi 1315,00 KM, potrošačka korpa 2917,50 KM a visina porodične invalidnine za jednog člana porodice 406,5 KM.

Činjenica je da je najveći pad broja korisnika bio upravo u populaciji porodica poginulih branilaca (izlazak djece iz prava i smrti), I umjesto da se sredstva koja su ostajala izlaskom djece iz prava i smrću korisnika porodične invalidnine rasporede na preostale korisnike, ista su preusmjerena na druga prava (analiza budžeta kroz godine to pokazuje), a zbirni iznos invalidnina porodicama koje su nastavile koristiti pravo su samo smanjivani.

Osnovica za obračun visine primanja korisnika porodičnih invalidnina – članova porodica šehida I poginulih boraca i ličnih invalidnina za RVI, kroz godine je trpila značajne zakonske izmjene I uglavnom je kroz najduži vremenski period zavisila od “raspoloživih budžetskih sredstava” što je u stvarnosti značilo da se na pripadnicima ovih kategorija “lomila” sva ostala budžetska potrošnja I da su mjere štednje bile primjenjivane uglavnom na ovoj kategoriji. Tako od prvobitnog usklađivanja načina usklađivanja sa kretanjem indeksa maloprodajnih cijena do sadašnjeg: visine zbira 50% procenta porasta potrošačkih cijena i 50% procenta porasta realnog bruto društvenog proizvoda, ova primanja nikada nisu bila pravična niti su odslikavala kretanja prosječne plaće u F BiH, prosječne penzije, rasta troškova života I visine potrošačke korpe. Procentualni iznos od osnovice po kategorijama NIJE nikada mijenjan izuzev 2022.g. kada je za supruge koje nisu imale djecu povećan sa 20% na 43% i za roditelje oženjenih šehida i poginulih boraca sa 27% na 43%, odnosno sa 33% na 50% za dva roditelja.

Danas imamo situaciju da je najveći broj korisnika porodične invalidnine samo jedan član porodice – sa procentom 43% od osnovice što je u rangu primanja invalida 4. kategorije i iznosi sa povećanjem za 2024.g. - 413,88 KM.

Na području Federacije BiH u periodu od 1992. godine do kraja 1995. godine broj ubijenih, smrtno nastradalih i nestalih, prema podacima Zavoda za zdravstvenu zaštitu BiH iznosi 258.000 osoba.

U periodu juni 2002.g. u Federaciji BiH bilo je evidentirano ukupno 101.606 korisnika boračke invalidske zaštite (45.971 ratnih vojnih invalida i 55.635 članova porodica poginulih i nestalih boraca). Potrebna sredstva za lične i porodične invalidnine za ove korisnike iznosila su mjesečno oko 23 mil. KM.

Statistiku na današnji dan nismo uspjeli pronaći.

Posljednjim povećanjem od maja 2024.g. iznos porodične invalidnine je povećan sa 406,5 na 413,88 KM.

Mislimo da je svaki komentar suvišan I sraman.

Uzimajući u obzir sve gore rečeno, smatramo da nije dovoljno izvršiti izmjenu Zakona o pravima branilaca I članova njihovih porodica u smislu usklađivanja zakonskih odredbi vezanih

za godišnje usklađivanje visine primanja sa Zakonom o PIO ( izmjene Zakona o PIO iz 2022.g.) nego je nužno izvršiti I izmjenu člana 21. I 22. Zakona kako bi se stvarno povećao iznos porodične invalidnine.

Napominjem da se broj korisnika ovih prava svaki dan smanjuje, **DA SE NAJVEĆIM DIJELOM NALAZE U TREĆOJ ŽIVOTNOJ DOBI, SAMI, ZABORAVLJENI, BOLESNI I FINANSIJSKI NEZBRINUTI**, te ovakvo usklađivanje sa stvarnim životnim potrebama za preostale članove porodica naših šehida I poginulih branitelja domovine ne smatram dodatnim budžetskim troškom nego **OBAVEZOM**.

Radi ilustracije prilažem tabelu: **VISINA PORODIČNE INVALIDNINE ZA JEDNOG KORISNIKA** – kakvih je danas uglavnom najviše.

GODINA	IZNOS
2005	315.62
2006	315.62
2007	315.62
2008	346.43
2009	346.43
2010	346.43
2011	352.66
2012	352.66
2013	360.06
2014	360.06
2015	360.06
2016	360.06
2017	360.07
2018	360.07
2019	365.47
2020	365.47
2021	373.03
2022	391.30
2023	406.5
2024	413.88

## POTREBNA FINANSIJSKA SREDSTVA

Unutrašnjom preraspodjelom sredstava unutar budžetske pozicije 614 – tekući transferi pojedincima i drugi tekući rashodi, osigurat će se dio sredstava (smrću korisnika lične i porodične invalidnine dio sredstava ostaje neutrošen pa se i taj dio može usmjeriti u ovo povećanje za korisnike porodične invalidnine). Ostatak neophodnih sredstava osigurat će se rebalansom Budžeta F BiH za 2024.g.

S poštovanjem,

  
Amra Babić

  
Sanel Kajan